



Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06, 51/09), člana 44. Statuta Općine Gornji Vakuf – Uskoplje („Sl. glasnik Općine Gornji Vakuf-Uskoplje“, br. 1/01, 3/05), Pravilnika o odobravanju novčanih sredstava za poticanje proljetne sjetve („Sl.glasnik Općine Gornji Vakuf-Uskoplje“, br. 07/26), a u vezi Odluke o izvršenju budžeta Općine Gornji Vakuf-Uskoplje za 2026. godinu („Sl. glasnik Općine Gornji Vakuf-Uskoplje“, br. 04/26), načelnik Općine raspisuje:

JAVNI POZIV

Za prikupljanje zahtjeva o odobravanju novčanih sredstava za poticanje proljetne sjetve za 2026. godinu

Javnim pozivom o dodjeli poticaja za proljetnu sjetvu na području općine Gornji Vakuf-Uskoplje za 2026. godinu (u daljnjem tekstu: Javni poziv) propisuju se uslovi koje trebaju ispuniti poljoprivredni proizvođači da bi ostvarili pravo na dodjelu poticaja za proljetnu sjetvu na području općine Gornji Vakuf-Uskoplje za 2026. godinu.

Ovim Javnim pozivom uređuje se postupak za ostvarivanje prava, kriteriji za ostvarivanje prava, potrebna dokumentacija za ostvarivanje prava.

I. PRAVO UČEŠĆA

Opći uslovi za dodjelu poticaja po ovom Javnom pozivu za proljetnu sjetvu mogu ostvariti sljedeći poljoprivredni proizvođači:

- koji su upisani u Registar poljoprivrednih gazdinstava do 31.03.2026. godine
- koji posjeduju originalne fiskalne račune o nabavci sjemenskog i sadnog materijala (žitarice, povrtno bilje – krompir, luk i kupus), zaštitna sredstva i umjetna đubriva za proljetnu sjetvu izdate od 01.01.2026. godine zaključno sa 02.06.2026. godine (duplikat fiskalnih računa neće se uzimati u obzir),
- koji su izmirili obaveze prema JKP „Radovina“ Gornji Vakuf-Uskoplje, JKP „Vodovod i kanalizacija“ Gornji Vakuf-Uskoplje i komunalna naknada prema Općini Gornji Vakuf-Uskoplje ili potvrda kao dokaz da nisu obveznici po istom.

Posebni uslovi koje poljoprivredni proizvođači moraju ispunjavati su:

Kod biljne proizvodnje:

- žitarice, minimalno zasijana površina 0,3ha sa računom o nabavci sjemenskog materijala 150kg/ha,
- silažni kukuruz, minimalna površina 0,3ha,
- krompir, minimalna površina 0,1ha i sjemena 150kg/dunum,
- kupus, minimalna površina 0,1ha,
- luk crni i bijeli, minimalna površina 0,1ha
- zaštitna sredstva nabavljena količinski shodno površinama pod kulturom (kupus u iznosu do 100,00 KM/dunumu, maline u iznosu do 200,00KM/dunumu)
- umjetna đubriva (žitarice 200kg/ha, silaža 150kg/ha, malina 100kg/ha, povrće 150kg/ha)

II POTREBNA DOKUMENTACIJA

Za ostvarivanje prava na novčana sredstva za proljetnu sjetvu prilaže se sljedeća dokumentacija:

- prijavni obrazac (preuzeti na web stranici www.gvu.ba ili na info pultu Općine)
- original fiskalni račun o nabavci materijala
- potvrda o izmirenim obavezama prema JKP „Radovina“ Gornji Vakuf-Uskoplje,
- potvrda o izmirenim obavezama prema JKP „Vodovod i kanalizacija“ Gornji Vakuf-Uskoplje,
- potvrda o plaćenju komunalnoj naknadi Općini Gornji Vakuf-Uskoplje,
- potvrdu banke sa brojem tekućeg računa podnosioca prijave (original ili kopija).

Napomena: Ukoliko poljoprivredni proizvođač nije obveznik prema JKP „Radovina“ Gornji Vakuf-Uskoplje, JKP „Vodovod i kanalizacija“ Gornji Vakuf-Uskoplje ili prema Općini Gornji Vakuf-Uskoplje, dužan je dostaviti potvrdu da nije obveznik.

III PROCEDURE ODABIRA KANDIDATA ZA DODJELU NOVČANIH SREDSTAVA

Učesnici u Javnom pozivu bit će obaviješteni o rezultatima putem oglasne ploče i zvanične web stranice Općine.

Nezadovoljni učesnik može uložiti prigovor na objavljenu preliminarnu listu načelniku Općine Gornji Vakuf-Uskoplje u roku od osam dana od dana objavljivanja preliminarne liste na oglasnoj ploči i na zvaničnoj web stranici Općine.

Nadležna općinska komisija zadržava pravo provjere dostavljene dokumentacije izlaskom na teren radi utvrđivanja činjenica navedenih u zahtjevu.

Konačnu listu donosi načelnik Općine Gornji Vakuf-Uskoplje. Ista se objavljuje na oglasnoj ploči i zvaničnoj web stranici Općine. Iznos odobrenih novčanih sredstava po jednom korisniku ovisit će od broja prijavljenih, odnosno onih koji zadovoljavaju kriterije Javnog poziva, kao i visine utrošenih sredstava, a neće prelaziti iznos veći od 800,00 KM.

IV DOSTAVLJANJE DOKUMENTACIJE

Prijavni obrazac sa kompletnom traženom dokumentacijom treba se dostaviti na protokol Općine u zatvorenoj kovrti sa naznakom „Javni poziv za prikupljanje zahtjeva o odobravanju novčanih sredstava za poticanje proljetne sjetve za 2026. godinu“ ili putem pošte na adresu

Općina Gornji Vakuf-Uskoplje,
ulica Vrbaska, bb,
70240 Gornji Vakuf-Uskoplje
sa naznakom:

„Javni poziv za prikupljanje zahtjeva o odobravanju novčanih sredstava za poticanje proljetne sjetve za 2026. godinu“

Rok za predaju dokumentacije je 15 dana od dana objavljivanja Javnog poziva na oglasnoj ploči Općine Gornji Vakuf-Uskoplje i zvaničnoj web stranici Općine Gornji Vakuf-Uskoplje www.gvu.ba. Neblagovremene prijave neće se uzimati u razmatranje.

